

Ein Fast.

Dot ergoow sich mul, dot de Dietsche von onsem Darp sin 100-Johriget Bestuhne fiehre wulle. Schoon lang wurd dovon jered, uba nu wered sou wit.

Dot Darp we em Joa 1882, jegrundet vom onse Vorfahre, dei von dei Wolga kaume en sochte friehet Launt, dot ols nieje Heimat senne sull,wo sei kunne ruhig en en Friede lewe en Gott priese.

De Reis we lang en schwoa. En ols dot Volk sich nieda lehd en einem Tull, tweschen Steina, wu noch nie ein Mensch jelewt haud , sach maun daut auls Gottes Gnud, en fong met Freid en Meje on olles optubuhe.

Uba dorom jeit dot nu nich. Dot wej nich dei eschte Niehonfang bi onsre Lied en dei wußte schoon wie domet omtuguhne wej. De Tiet schient ve onsre Omas en Opas tu sene. Olles weh opjebuht .Dei Buasch hoode groote Wirtschafte ols dot Jesatz,,ollem dot Goothawe wachturnehme“ kaum. Dot troff onse Uaane doll.

Dann de Krich... Hungaschnoot.... Schwore Tiete - Derch aule Schwirigkeite jing ons Volk en wea emma noch om Lewe! Nu dem Kriech moucke Fruhes en Kinga sich stojck en bude wada olles op.

Entlich, entlich wea dot so wiet, dot herscht Friede, einem jing èt goot, de Lied hoode von aulem. Weh wada erlaubt de Gottesvesaumlinge tubesecke. De innalicha Stolz en Dankbohkeit an Gott, dot dot Darp ewalewt houd en sowiet opjebuht we, saut(saß) deip em Hoat. Vo oulem dot wurd 100 Joh ols man muhseilich, onjefonge haud.

100 Joh. We dot veel oda wenich ve onsere Lied! „Dot jeht nich tu beschriewe“: - sede die ällere Einwuhna. Kort en goot- wurd beschlute dit

Fast tu fiere ut Dankbohkeit om Harrn ve so eine Gnud!

Dot Datum wurd bekonnt jewart, Jast enjelude, Jelt jesommelt.Wea beschlute ve

olle Jast met ein Mul tu deine. Dot we kein Geheimnis, weil man wull von de Regierung kein Jelt oda wot aundret.

Om Friedach ver dem Fast were eck en Paul nu Talas (eine Staudt die 30km. von onsrem Darp lag) jefoure. Bim nuHus foare wurd wie mejamul aunjehoule. Dot Auto, onse Papiere wurde von dei Milizen, nujekickt. De Froge von wou en wohan, wot wie do wulle- wurde jides Mul ons jestallt. Uba wie durfte foare, weil wie em Darp wuhnteen do jemeldet were. Dei gaunze Siedlung we omzingelt von Milizen. Jidra, sogo de klanste Feldwach, wurd bewockt en kontroliejt. Kein Framda sull nen kumme. Dei enjeludene Jast sulle nich erschiene. Op so eine Wies wull man dot Fast vehindre.

Enjelude were - Sisow ut dem Mennoniten Bund dei Republick, Leitende ut Nubasch Jemeinden en aundere. Uba do funge sich Lied, dei jidrem Enjeluhdenen derchschugelte, unngabrochte (unterbrachte) en sicherte.

Dot Fast fund statt. Em Ondachtshus were aulle Platz besatt. Om Anfang en om Eng, von jidra Poa Reije Gencke, stunde Milize en aundere „hohe Mensche“, dei vehindre sulle, dot dei „Oppstand“ de Dietsche passiat. Olles weh stell. Bloss dei Predicht en dot Menschen Udme were tuheere. Mann sach dot, wie einige vom „Aufpassasch“ sich schehmte. Uba dei Befeel de Feija (Feier) tu bewache, komm von Buwe.

Grootohtich !! Gottes Wuht klung wie noch nie !

Dot wurd noch met einem Meddachsette jedeint. Nu dem Ete wurd ein grootet Programm met Misik, Leida en Jedichta vejedrogt.

Aum hächsten Dach head man veschidene Reaktionen. Einije lachte en freide sich, dot dot nich jelunge we dot Fast tu veperre. Dei ondre were trurich dot dei Dietsche wada ein SCHLACH oppen Koop jekreje haude. Dot we dietlich: - dei Dietsche send „Harr“ jewese ols dei met dei Wildnis kämpfte, hungate en en Schweit olles wada opbuhde.

En nu, wu olles bleht, gedait - es dei Harr ein ondra! --- Dot wea betta!

Olles wurd jeschluckt en wieda jelewd.

Blos beske luhta sach man Einem en Ondrem von dei Obrichkeit nich meja, weil atliche mußte siene woame Platz veluchte, wejen disse Aktion.

Schienboa, wurd dot doch einjeseine, dot dot eine Nationfeletzung wej ...

´09. 2014j. M.Hamm